

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ  
ՃԳՆԱԺԱՄԱՅԻՆ ԿԱՌԱՎԱՐՄԱՆ ՊԵՏԱԿԱՆ ԱԿԱԴԵՄԻԱ**



**«ՃԳՆԱԺԱՄԱՅԻՆ ԿԱՌԱՎԱՐՈՒՄ ԵՎ ՏԵԽՆՈԼՈԳԻԱՆԵՐ»  
ԳԻՏԱԿԱՆ ՀԱՆԴԵՍԻ ՀՐԱՊԱՐԱԿՈՒՄՆԵՐԻ ԷԹԻԿԱՆ**

**ԵՐԵՎԱՆ-2019**

ՀԱՍՏԱՏՎԱԾ Է  
ԱՎԱՐԻՆՍՏԱՅԻ ՔԻՄԻԱԿԱՆ ԽՈՐՀՐԴԻ ՆԻՍՏԻ  
ՈՐՈՇՈՒՄՈՒՄԸ ԱՆՁ Դ. ՎԱՅՑՅԱՆ 06.03.2019  
ԳԻՏ ԽՈՐՀՐԴԻ ՆԱԽԱԳԱՎ  
Ք ՄԱԹԵՎՈՍՅԱՆ



**«ՃԳՆԱԺԱՄԱՅԻՆ ԿԱՌԱՎԱՐՈՒՄ ԵՎ ՏԵԽՆՈԼՈԳԻԱՆԵՐ»  
ԳԻՏԱԿԱՆ ՀԱՆԴԵՍԻ ՀՐԱՊԱՐԱԿՈՒՄՆԵՐԻ ԷԹԻԿԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

**1.1.** Սույն գիտական հրապարակումների էթիկան կարգավորում է հեղինակների, գրախոսների, խմբագրի և ընթերցողների միջև փոխհարաբերությունները՝ ելնելով արհեստավարժ մասնագետի բարեկիրթ վարքագծի դրսևորման պահանջից: Հրատարակչական էթիկայի բնագավառում «Ճգնաժամային կառավարում և տեխնոլոգիաներ» գիտական հանդեսի (այսուհետ՝ Գիտական հանդես) քաղաքականությունը հիմնված է Գիտական հրապարակումների էթիկայի կոմիտեի առաջարկությունների և ստանդարտների վրա (The Committee on Publication Ethics – COPE):

**II. ԷԹԻԿԱԿԱՆ ՆՈՐՄԵՐ ԽՄԲԱԳՐԻ ԵՎ ԽՄԲԱԳՐԱԿԱՆ  
ԽՈՐՀՐԴԻ ՀԱՄԱՐ**

**2.1. Հրապարակման մասին որոշում.**

Գիտական հանդեսի գլխավոր խմբագիրը (այսուհետ՝ Խմբագիր) պատասխանատվություն է կրում նյութի հրապարակման համար: Հրապարակման մասին որոշում կայացնելիս առաջնահերթվում են դիտարկվող աշխատանքի արժանահավատությունը և գիտական կարևորությունը:

## **2.2. Օբյեկտիվություն.**

Խմբագրի կողմից գնահատվում է ներկայացվող աշխատանքի բովանդակային համապատասխանությունը՝ ըստ գիտական նյութի առաջադիր պահանջի: Հեղինակի անձնային որակները, քաղաքական համոզմունքները, սեռային և կրոնական պատկանելությունը չեն կարող ազդել ներկայացվող նյութի գնահատմանը:

## **2.3. Գաղտնիություն.**

Գիտական հանդեսի խմբագիրը և խմբագրական խորհուրդն իրավունք չունեն այլ անձանց տեղեկատվություն հայտնել ընդունված նյութերի մասին՝ բացի հեղինակից, գրախոսներից, գիտական խորհրդատուներից և հրատարակչից:

Ընդ որում, դիտարկման ներկայացված նյութերում առկա ու դեռևս չհրապարակված տվյալները չի կարելի է օգտագործել անձնական հետազոտություններում՝ առանց հեղինակի գրավոր համաձայնության: Գրախոսման ընթացքում ստացված տեղեկությունը կամ գաղափարները պետք է գաղտնի պահվեն և չօգտագործվեն անձնական շահերի համար:

### **III. ԷԹԻԿԱԿԱՆ ՆՈՐՄԵՐ ԳՐԱԽՈՍՆԵՐԻ ՀԱՄԱՐ**

#### **3.1. Գրախոսման կարևորությունը.**

Գրախոսումը խմբագրության, հեղինակի և գիտական հանրության միջև փոխգործողության անհրաժեշտ օղակ է. այն բնութագրում է գիտական գործունեության, գիտական փոխհարաբերությունների էությունը և ապահովում գիտական առողջ համագործակցությունը: Գրախոսումը խմբագրին օգնում է օբյեկտիվ որոշում կայացնելու հրապարակման մասին և հեղինակների հետ փոխգործողությունների միջոցով վերջիններիս աջակցելու՝ նպաստելով լավորակ աշխատանքի կազմակերպմանը:

#### **3.2. Ճշգրտապահություն.**

Յուրաքանչյուր գրախոս պետք է հանձնառի նյութի քննությունը՝ ելնելով իր մտավոր և աշխատանքային հնարավորություններից՝ իրազեկելով այդ մասին խմբագրին:

#### **3.3. Գաղտնիություն.**

Գրախոսման համար տրված նյութը ճանաչվում է որպես գաղտնի փաստաթուղթ: Այն չի կարելի հանրայնացնել և քննարկել այլ անձանց հետ, եթե չկա խմբագրի թույլատվությունը կամ համապատասխան լիազորությունը:

### **3.4. Օբյեկտիվություն.**

Գրախոսի գնահատականը պետք է լինի օբյեկտիվ ու անկողմնակալ: Հեղինակի անձը և նրա անձնային որակները նշող քննադատությունն անընդունելի է: Գրախոսի կարծիքը պետք է լինի հստակ ու փաստարկված:

## **IV. ԷԹԻԿԱԿԱՆ ՆՈՐՄԵՐ ՀԵՂԻՆԱԿՆԵՐԻ ՀԱՄԱՐ**

### **4.1. Նյութերին ներկայացվող պահանջները.**

Հեղինակները պետք է ներկայացնեն կատարված աշխատանքի արժանահավատ արդյունքներ, հետազոտության առարկայի օբյեկտիվ քննություն: Կարևորվում են ինքնատիպությունն ու կիրառված մոտեցման եզակիությունը: Աշխատանքում ներկայացվող տեղեկությունները պետք է լինեն հավաստի և անսխալ: Աշխատանքը պետք է բովանդակի աղբյուրագիտական հղումներ՝ հետագա վերարտադրության և այլ նյութերում հղումներ կատարելու համար: Կեղծ կամ սխալ պնդումները դիտվում են որպես ոչ էթիկական վարքագիծ և անընդունելի են:

## **4.2. Գրագողության զգուշացում.**

4.2.1 Հեղինակները պետք է համոզված լինեն, որ ներկայացված աշխատանքը լիովին ինքնատիպ է, իսկ այլ հետազոտողների կամ գիտնականների աշխատանքները, դրանց հատվածները կամ գիտական գաղափարներն օգտագործելու դեպքում պետք է ուղեկցվեն համապատասխան մատենագիտական հղումներով կամ բացատրություններով:

4.2.2 Գրագողությունն ունի տարբեր ձևեր՝ ուրիշների աշխատանքը որպես հեղինակային ներկայացնելուց մինչև պատճենում կամ ուրիշների աշխատանքի էական մասերի բառափոխում (առանց հեղինակի նշման), ինչպես նաև ուրիշների հետազոտությունների արդյունքների նկատմամբ սեփական իրավունքների հայտարարում: Գրագողության բոլոր դրսևորումները ոչ էթիկական գործողություններ են, և անընդունելի գիտական հաղորդակցության մեջ:

## **4.3. Հրապարակումների բազմաքանակությունը, ավելորդությունը և միաժամանակությունը.**

4.3.1 Հեղինակը չպետք է հրապարակի միևնույն հետազոտությանը նվիրված աշխատանք մեկից ավելի ամսագրերում, որպես ինքնատիպ հրապարակում: Միևնույն աշխատանքը մեկից ավելի ամսագրերի ներկայացնելն ընկալվում է որպես ոչ էթիկական վարքագիծ և անընդունելի է:

4.3.2 Հեղինակը չպետք է ներկայացնի նախկինում հրապարակված աշխատանք:

4.3.3 Այս կարգից բացառություն են կազմում արտասահմանում արդեն հրապարակված նյութի թարգմանությունն այլ լեզվով՝ հեղինակի և արտասահմանյան հրատարակչի փոխադարձ համաձայնությամբ՝ վերջիններիս նկատմամբ պահպանելով իրավաօգտագործողի իրավունքներն ու շահերը:

#### **4.4. Սկզբնաղբյուրների ճանաչում.**

Անհրաժեշտ է գնահատել այլ անձանց ներդրումը: Հեղինակները պետք է հղումներով նշեն այն հրապարակումները, որոնք որոշակի ազդեցություն կամ նշանակություն են ունեցել ներկայացված աշխատանքը կատարելու համար: Անձնական բանավոր հաղորդակցման ընթացքում կամ գաղտնի աղբյուրներից ստացված տվյալները (օրինակ՝ զրույցի, նամակագրության կամ երրորդ կողմի հետ քննարկման ընթացքում) չպետք է օգտագործվեն կամ ներկայացվեն՝ առանց սկզբնաղբյուրի գրավոր համաձայնության:

#### **4.5. Հրապարակումների հեղինակ լինելը.**

4.5.1 Որպես հեղինակներ կարող են հանդես գալ միայն այն անձինք, ովքեր նշանակալից ավանդ են ներդրել աշխատանքի մտահղացման, մշակման, կատարման կամ ներկայացված հետազոտության արդյունքների վեր հանման գործում: Բոլոր նրանք, ովքեր նշանակալից ավանդ են ունեցել, պետք է նշվեն որպես համահեղինակներ:



4.5.2 Հեղինակը պետք է վստահ լինի, որ հետազոտության մեջ էական ներդրում ունեցող բոլոր մասնակիցները ներկայացված են որպես համահեղինակներ, և որպես այդպիսիք ներկայացված չեն այն անձինք, ովքեր չեն մասնակցել հետազոտությանը: Համահեղինակությամբ ներկայացվող նյութին պետք է կցված լինի բոլոր հեղինակների հավանությունն ու նյութը հրապարակման ներկայացնելու համաձայնությունը հավաստող գրություն:

## Բ Ո Վ Ա Ն Դ Ա Կ ՈՒ Թ Յ ՈՒ Ն

I.	Ընդհանուր դրույթներ.....	3
II.	Էթիկական նորմեր խմբագրի և խմբագրական խորհրդի համար.....	3
III.	Էթիկական նորմեր գրախոսների համար.....	5
IV.	Էթիկական նորմեր հեղինակների համար.....	6